

兩  
浙  
名  
賢  
錄

兩浙名賢錄卷五目次

孝友

秦

顏孝子烏

漢

董徵君黯

王孝廉談

孫鍾

張孝廉武

沈瑜

弟儵附

費蕭令汎

子厚附

三國吳

新敦

始平長丁孝連覽

子固附

楊武將軍朱朗

晉

高山令夏文正方

許季義孜

子生附

夏孝光

丘昂

二弟夷矩附

遂昌長潘綜

孫法宗

宋齊梁陳

沈侍中文叔

弟文季子昭明附

顯親都尉賈恩

妻柏氏附

郭世通

長水校尉聞人夔

郭長恭原平

沈昭光

從子曇亮附

何海虞子平

國子學士杜栖

朱處光議之

兄遜之附

太子洗馬沈思整崇儵

韓靈敏

兄靈真附

王文殊

褚記室修

朱敬達文濟

散騎侍郎虞山披荔

錢延慶

丘傑

朝奉請徐雄

唐

陳太碣

丁興

張萬和

子孝  
祥附

許傳士伯會

沈景筠

俞僅

和州刺史張君遷無擇

戴元益

章從事成綱

明經鄭崇義

徐知新

徐惠  
謹附

宋

孝門陳君和侃

杜通判誼

邵教授寶著

仰天貺忻

子師常  
師尹附

孫長者

子式  
附

劉承詔

孫文舉之翰

石孝子

陳傅巖汝楫

妻徐氏附

范元亨鍾

余元卿

毛勿齋存

毛蕃八

兄攀龍附

麗水孝童周慧卿智

周奇趙文澤附

徐亨

錢孝廉堯卿

章延仲永

鄭從革鼎之

楊文脩

蔡元應定

連世瑜

妻方氏子士表士則附

楊富老

鍾宅

從子明滿子文厚文廣附

樓季發藎

呂子陽皓

附弟源

喻伯大京

父夢炎世父綱弟高附

王公袞

錢國材興祖

陳濮州思孝

趙孟傳商弼

吳處仁

附弟罔

呂蒙

附子瑛

鄭傅士憲

蘭谿三孝

陳天隱董少舒金景文

朱虎殘泰

元

唐轅

附弟轍

裴尚

朱進士環

附子元

鄭宗文綺

金松一

胡景莊忠

姜大民蕪

丁祥一

余丙

子慈附

周樂

陳斗龍

張子用觀僧

周仲良驥

蔣伯玉珏

王君傳貴翁

潘應定

黃孟蕪義貞

六世孫  
濟之附

胡野廬

過宗一

周士威

兄士  
行附

文學掾戚秉肅敬

魏保



林甲乙

陳孔英杲

弟多  
遜附

王泰

兩浙名賢錄卷五目次終

兩浙名賢錄卷之五

東海徐象梅仲和氏謨

武原鍾祖述君明氏閔

孝友

秦 凡一人

顏孝子烏

顏烏烏傷人也。事親孝。父亡。負土成墳。羣烏啣土助之。烏吻皆傷。因以名。縣墓在縣東四里。乾道中。邑令林元仲盡返民侵地。而修其塋。城邑人何格爲謨碑記。且繫

孝友

卷之五

一

光碧堂

之詞曰由漢迄今餘千春銅銅新漆知幾墳陵谷變遷  
不可尋顏氏有肝巍然存孝肉順骨世所尊馬鬣蓬穎  
幾何分烏兮無知猶能馴肯有襟裾忘其親因以名縣  
淑其民爲之長者宜益敦一本杯土或見侵曾會不如  
何足人淳祐元年魏學士了翁爲篆題表之曰秦顏氏  
烏傷墓

漢

共八人

董徵君黯

董黯字叔達鄞人漢江都相仲舒六世孫也家貧早失

怙事母盡孝。母疾。嗜大隱溪水。遠不能常致。黠築室溪濱。板輿就養。厥疾遂瘳。隣王寄家甚富。縱酒無行。二母相見。各言其子。寄聞而銜之。伺黠出。歐其母。黠還而母在牀。黠跪而言曰。黠不孝及母之憂乎。曰。非也。我失言致王寄辱耳。後竟不起。黠哀毀。負土旣葬。廬於墓枕戈。不言。俟王母卒。畢葬事。乃斬寄頭。祭母墓。自囚以告。有司事聞。和帝詔釋其罪。且旌其異行。召拜郎中。不就。而卒。由是以慈名。溪以溪名。縣吳虞翻稱之云。盡心色養。喪致其哀。單身林野。鳥獸歸懷。怨親之辱。白日報讐。海

內閣名。照然光著。宋祥符間。錫號純德徵君。

王孝廉談

王談。烏程人。年十歲。父爲隣人竇度所殺。談有復讐志。審市利。鍾伺度卒。殺度而歸。罪有司。太守孔巖義其孝。勇。列上宥之。和帝元興中。舉孝廉。不應。終於家。

孫鍾

孫鍾。富春人。堅父也。性至孝。種瓜爲業。以養母。忽有三年少。容貌妍麗。詣鍾乞瓜。鍾爲設瓜具。飲三人。臨去曰。我等司命郎也。重君之孝。將以佳地相與。欲違世封侯。

欽。數。正。天。子。鍾。曰。數。世。天。子。故。當。所。樂。因。爲。鍾。定。葬。地。  
出。門。悉。化。爲。白。雀。飛。去。遂。葬。其。母。已。而。生。堅。堅。生。策。權。  
權。改。建。國。爲。吳。傳。亮。休。皓。凡。四。世。五。十。九。年。卒。如。司。命。  
之。言。

張孝廉武

張武由拳人武幼時父蒙爲郡掾送太守妻子還鄉至  
河內遇盜戰死武少長奉遺劍求父死所祭泣頻絕悲  
感路人太守第五倫嘉其行舉孝廉遭母喪過毀尋卒

沈瑜弟儀附

沈瑜烏程人與弟儀少有志行瑜十歲儀九歲父亡居喪毀瘠過於成人外祖盛孝章撫慰之曰汝並黃中通理終成青器何遽逾制自取毀滅耶瑜竟以毀故早夭儀博學有雅才以儒素自業守道不移

費蕭令沆

子鳳附

費沆吳興人以孝友聞歷官至蕭令在邑多善政蝗不入境子鳳言不失典術行不越矩度安帝時舉孝廉拜郎中義行卓然爲一世所宗

三國吳

共四人

斯敦

斯敦烏傷人父儒爲廷尉失議當坐死敦叩關泣血請以身代吳王嘉其孝赦儒罪仍旌其門後俗因呼敦葬處爲孝義塘

始平長丁孝連覽

子固附

丁覽字孝連山陰人八歲而孤家素微清身立行用意不苟推財從弟以義讓稱補郡功曹守始平長門無雜賓孫稚深貴重之未及進用會病卒子固字子賤少喪父而家貧養母孝敬備至族弟孤弱與同寒溫嘗夢松



生廢上自謂後十八年當爲公竟歷顯位遷司徒時孫  
皓悖虐固與陸凱孟宗同心憂國年七十六卒

楊武將軍朱朗

朱朗永興人性至孝父爲烏傷長陳頴所殺朗志在報  
讐未聞頴死朗至其家刺其子殺之魏聞其勇擢爲楊  
武將軍

晉 共九人

高山令夏文正方

夏方字文正永興人年十四家遭疾癘父母伯叔羣從

死者十三人。方夜則號哭。晝則負土。凡十七年而葬畢。因廬於墓。鳥獸馴擾其旁。吳時拜仁義都尉。累遷五官中郎將。朝會未嘗乘車。行必讓路。入晉除高山令。百姓有罪。方向之涕泣。而不知杖大小莫敢犯焉。

許季義孜

子生附

許孜字季義。東陽人。從豫章太守。會稽孔冲。受易詩書禮孝經論語。冲亡。孜爲制服三年。二親歿。摧毀骨立。杖而後起。建墓於縣之東山。躬自負土。每一悲號。禽鳥翔集。手植松柏。亘五六里。時有鹿犯松栽。孜長號悲歎。曰。

鹿獨不念我乎。詰旦忽見鹿爲猛獸搏死於所犯松下。收悵悵瘞之。猛獸復至。收前自撲而死。收益歎息。又取猛獸埋之。自是林木滋茂而無犯者。積二十年。立宅墓次。朝夕奉亡如存。元康中。郡察孝廉。不起。卒年八十餘。邑人號其居曰孝順里。咸康中。太守張虞疏聞於朝。詔旌門閭。蠲其賦役。子生有孝行。家於墓側。圖收象於堂。朝夕奉焉。

夏孝先

夏孝先。桐廬人。父亡。負土成墳廬其側。一夕野火燎山。

將及塋城孝先遠墓號哭忽羣鳥飛集濡其羽沃之火  
卽滅尋於火處迸泉一穴味極甘冽溉田數百畝縣令  
李師旦名之曰孝子泉號孝先所居曰孝泉鄉

丘昂

二弟夷矩附

丘昂與人也家貧好學織畚以自給與弟給事中夷  
太守矩並以孝行著聞當時謂之三丘

遂昌長潘綜

潘綜烏程人孫恩之亂綜與父驃共走避驃困乏綜迎  
賊叩頭曰父年老乞賜生命賊砍驃綜抱驃賊砍綜凡

四。創有一賊謂曰殺孝子不祥。父子俱得免。後以薦累官遂昌縣長。宋元嘉中改其里曰純孝。蠲租布三世。

孫法宗

孫法宗。吳興人。父隨。孫恩入海被害。屍骨不收。母兄並餓死。幼而流離。至十六得還鄉里。勤苦營辦棺槨。葬送母兄。儉而中禮。聞人言。父子以血瀝骨。當悉滲入。乃操刀沿海見枯骸。輒割肉滴血。經十餘年。臂脛無完膚。終不能遇。遂衰經居墓所。終身不娶。亦不干仕進。以窮約終。

宋齊梁陳

共二十三人

沈侍中文叔

弟文季子昭明附

沈文叔武康人慶之之子也慶之被殺文叔時位侍中  
謂其弟中書郎文季曰我能死汝能報遂自殺文季揮  
刀馳馬去收者不敢追遂免升明初沈攸之起兵討蕭  
道成道成加文季冠軍將軍督吳興錢唐軍事初慶之  
之死攸之求行至是文季收殺攸之弟登之誅其宗族  
官至郢州刺史卒贈侍中司空謚忠憲方文叔之殉父  
而死也子昭明爲秘書閣閣之曰吾何忍獨生亦自經

死

顯親都尉賈恩

妻柏氏附

賈恩諸暨人。少有至行。母亡。未葬。爲隣火所逼。恩與妻柏氏號哭。奔救。隣近赴助。棺櫬得免。恩夫婦竟死於火。事聞。表其里爲孝義鄉。祖三世元嘉中。追贈天水郡顯親都尉。

郭世通

郭世通。永興人。生而失母。父更娶。世通事父及後母甚孝。年十四。父又亡。居喪過哀。家貧。傭力以養後母。母亡。

賈土成墳。親戚或共賄助。微有所受。葬畢。備貨還。直仁  
孝之風。及鄉黨人。皆不忍呼其名。元嘉四年。散騎常侍  
袁愉表其至行。詔旌其門。改所居獨楓里爲孝行里。

### 長水校尉聞人夔

聞人夔。吳興人。年十七。父爲仇家所殺。遺散財。結客。尋  
乃父仇。斬頭以祭。自繫縣獄。有司上其事。齊高帝覽而  
賞之。赦其罪。官至長水校尉。

### 郭長恭原平

郭原平。字長恭。世通子也。備作養經。義不獨飽。父篤疾。



嗣年原平未嘗解帶父亡慟絕方蘇躬自營墓喪終遂  
不復肉高陽許瑤之自建安歸以錦一疋遺之不受瑤  
之往謂曰今歲過寒而建安綿好故以奉尊親爾原平  
乃拜而受之及母亡毀瘠彌甚既葬墓前有田數十畝  
不歸原平畊者每稔祖塋其墳墓原平輒往哭之乃蠲  
貨貴買其田農月必冠帶垂泣以畊宅嘗種竹或盜其  
竹原平見盜者常墜溝乃作橋溝上又採筍置籬外鄉  
里乃慙媿無幾盜者宋文帝崩原平號痛日食麥餅一  
枚如此五日或曰誰非王臣何獨如此原平泣曰吾家

見異先朝不能報恩私心感動爾太守蔡興宗嘗以俸  
米百斛餉之原平不受興宗復表其殊行舉爲太學博  
士會興宗卒不果

沈昭光

養子曇亮附

沈昭光昭明之季弟也仲兄昭略爲齊廢帝所殺遣兵  
至家人勸之逃光不忍舍母執母手悲泣遂見殺時昭  
明子曇亮已得逃去聞昭光死乃曰家門屠滅獨生何  
爲亦絕吭而死時人歎其一門忠孝

何海虞子平

何子平山陰人。少有至行。爲揚州從事。月俸得白米。輒易粟麥以食。人問之。答曰。尊老在東。不辦得米。何心獨餐。每有饋鮮者。若難以寄親。則不肯受。元嘉中。除海虞令。縣祿唯以養母。不及妻子。人或疑其儉薄。子平曰。希祿本以養親。不在爲已。及母喪去官。哀毀踰禮。每哭踊頓絕方蘇。屬大明末。東土飢荒。繼以師旅。八年不得營葬。晝夜號哭。常如袒括之日。所居屋敗。不蔽風雨。兄子伯興欲爲葺理。子平不肯曰。我情事未伸。天地一罪人。爾屋何宜。覆太守蔡興宗。甚加矜賞。爲營冢墓。

國子學士杜栢

杜栢上虞人京產之子也善清言能彈琴齊時爲國子學士以父老歸養父卒水漿不入口者七日旣殯晨夕慟哭不進菹菜每遇朔望節歲必慟絕而齋啗血數升何胤謝朓並貽書敦譬戒以減性至祥禪夢見其父一慟而絕初胤見栢歎曰鄉風韻如此必獲嘉譽但恐不永年耳卒年三十六

朱處光議之

兄遜之附

朱議之字處光錢唐人父昭之以學解稱於鄉里議之

年數歲所生母亡。躬之假葬田側。爲族人朱幼方。燎火所焚。同產姊密語之。謙之雖小便哀戚。如持喪。年長不娶。永明中。手刃殺幼方。詣獄。自繫。縣令申靈勉表上。別駕孔稚珪兼記室劉璉。司徒左西掾張融。箋與刺史豫章王曰。禮開報讐之典。以申孝義之情。法斷相殺之條。以表權時之制。謙之旣申私禮。又明公法。今殺之則成罪人。宥之卽爲孝子。殺一罪人。未足弘憲。活一孝子。實廣風德。豫章王言之世祖。世祖嘉其義。應相復報。乃遣謙之隨曹虎西行。幼方子憚於津陽門伺殺。謙之謙之

兄選之又刺。金憚有司以聞。世祖曰：「此皆義事，不可問。」悉赦之。吳興沈顗聞而歎曰：「弟死於孝，兄殉於義，孝友之節萃此一門。」

太子洗馬沈思整崇僚

沈崇僚字思整，懷明子也。六歲喪父，哭踊過禮。及長，事母至孝。家貧，傭書以養。梁天監二年，太守柳憚辟爲主簿。崇僚從憚到郡，還迎其母。未至而母卒。崇僚自以不及侍疾，悔恨欲死。水漿不入口，晝夜號哭者旬日。母柩厝去家數里，哀至輒往哭，不避雨雪。仰天號頓，飛鳥翔。

集家貧無以遷厝乃行乞經年始獲葬廬於墓側以初  
行喪禮不備復於葬後更持服三年久食麥屑不啖鹽  
豉坐卧一單薦骨立不能起郡縣舉至孝武帝遣中書  
舍人慰勉之令釋服擢補太子洗馬旌其門

韓靈敏

兄靈真附

韓靈敏刻人早孤與兄靈真並有孝行母亡無以營葬  
種瓜半畝朝採暮生遂得辦葬事會靈真亡妻胡氏守  
節慮其家奪已志未嘗歸寧靈敏事之如母以終

王文殊

王文殊故鄣人父死于魏文殊哀慕不勝每北望則長號雨泣如是者三十年。既食麻衣終身不易。太守孔琇之疏表其門名爲孝行里。

### 褚記室修

褚修錢唐人少受易學於其父仲都善尺牘辨文章武陵王爲揚州引爲宣惠參軍帳內記室性至孝父喪毀瘠過禮及丁母艱水漿不入口二十三日氣絕復撫棺號哭嘔血竟以毀卒。

### 朱敬達文濟



朱文濟字敬達吳興人早孤事母至孝母卒家貧無以  
裹事乃賣身以營馬鬣葬畢執作主家無難色太守謝  
藩解俸贖之命爲儒林不就

散騎侍郎虞山披荔

虞荔字山披慈谿人幼聰敏有志操年九歲候太常陸  
倕倕問五經十事荔對無遺倕甚異之又嘗詣徵士何  
胤時太守衡陽王亦造之胤言於王王欲見荔荔辭曰  
未有板刺無容拜詣王以荔有高尚之志雅相欽重還  
郡卽辟爲主簿荔辭以年少不就及長美風儀博覽善

屬文梁武帝用爲士林館學士屢遷中書舍人時左右  
之任多參樞軸惟蒨與顧協靖退但以文史見知號爲  
清白侯景之亂蒨率親屬入臺母與蒨俱而卒於臺中  
時值喪亂情禮不申遂終身䟽素不聽音樂陳文帝深  
器之以爲中庶子引備顧訪多所獻替時弟寄在陳寶  
應所蒨每言輒流涕文帝哀之乃勅寶應求寄寶應終  
不遣蒨因感疾帝欲數臨視令家口入省蒨以禁中非  
私居之所乞停城外帝不許乃令住蘭臺乘輿再三臨  
問手勅中使相望於道又以蔬食積久弄麋疾所堪乃

勅曰卿年事已多氣力稍減方欲仗委良須克壯今給卿魚肉不得固所執薦終不從卒贈侍中謚曰德子子世基世南並少知名各有傳

### 錢延慶

錢延慶烏程人秦始皇元年其父仲期爲吳慶恩所殺時延慶屬役在都聞之馳還於庾滿隸逢慶恩手刃殺之自繫烏程獄吳興太守郗順憐其孝烈表不加罪許之

### 丘傑

丘傑烏程人年十四遭母喪止啖生菜歲餘得廢疾每

發動痛楚不可言。忽夢母曰：死止是分別耳。何爾徒苦汝。噉生菜。遇蝦蟆毒。靈牀前有三丸藥。可取服之。餘驚起。果得藥服之下。科斗數升。疾頓愈。後徵爲留陵郡守。不就。

### 朝奉請徐雄

錢唐徐雄。文伯之子也。亦傳家業。工胘察。位朝奉。請能清言。多爲貴游所賞。事母孝。謹。母終。毀瘠幾至自滅。俟而兄亡。扶杖臨喪。撫膺一慟而卒。

唐

共十三人

陳太竭

陳太竭。浦江人。武陽之子也。事父母孝謹。二親併亡。哀毀不欲生。廬于墓側。手藝松柏。終身哀麻哭泣。弗少輟。每奠果肴。鳥鳥不啄。

丁興

丁興。會稽人家。近荒野。野火延燒。興廬母老病。倉卒不及扶抱。乃濕衣覆母身死。母全。

張萬和

于孝祥附

張萬和。諸暨人。性至孝。神龍間。舉明經。以親老不仕。遭

父喪負土成墳與弟廬墓二十年萬和卒子孝祥亦廬墓二十餘年墓傍芝草生醴泉出事聞詔旌其門名其里曰孝感。

許博士伯會

許伯會蕭山人。詢之十二世孫也。舉孝廉爲衡陽博士。遭父喪負土成墳不御絮帛不嘗滋味野火將逮塋樹悲號于天俄而大雨火滅歲旱泉湧廬前靈芝瑞獸生於墓側。

沈景筠

沈景筠爲程人生有至性。隱居獨善。以孝事母。母畏雷。及卒。葬於宅西。每雷發。聲卽奔至墓所。號哭曰。景筠在此。賀知章爲之立傳。名曰孝德。

俞僅

俞僅。蕭山人。一門四代兄弟十五人。老幼八十餘口。並經術貞廉。僅遭親喪。哀毀骨立。爲鄉里所稱。觀察使孟簡書於國經。以勵風俗。

和州刺史張君遷無擇

張無擇。字君遷。慈鄉人。由進士舉明經。調醴泉尉。改汴

州奉軍以從討李敬業贊畫有功遷華陰令時羅織獄起吏以刻覈爲能無擇獨向寬簡未嘗私附黨民賴以寧監察御史郭翰薦於朝召爲司刑丞轉卿司農適魏元忠與張昌宗廷辯獲罪無擇上疏申理元忠之枉易之惡之誦嶺表移和州刺史以父艱奉喪歸葬負土結廬七日絕漿三年不櫛感醴泉芝草之瑞服禪辟祿廬墓以壽終

戴元益

戴元益桐廬人五世同居庭木紫薇枝生遽理咸通八



年刺史張蒸以聞詔以嘉木呈祥宜蠲徭役旌其門閭  
仍付史館書之以垂不朽

### 章從事成綱

章成綱於潛人喪母廬墓手植松柏墳側生紫芝十三  
莖烏鵲來巢麋鹿共處長吏以聞勅旌表門閭人稱爲  
章孝標家貧篤學仕爲山南東道從事

### 明經鄭崇義

鄭崇義安人爲郡學士讀書序中忽心痛不可忍崇  
義曰得無母有故乎奔歸而母果以病告比卒結廬躬

畊墓田以供贍。郡境有蝗，獨不食其苗。舍南木生，連  
理處置使崔文上其事，詔旌表門閭。後以明經中第，謝  
而不仕。郡邑屢薦其孝，弟廩遜終不受徵。

徐知新 徐惠謹附

徐知新，西安人，性孝。葬父後，灑掃墓所者十年。產金芝  
叩之有聲。同邑徐惠謹，五世同居。父母亡，哀毀過制。墓  
生靈芝十莖。連理御史大夫宇文融爲勸農使，以實聞，  
與徐知新同被旌表，名其里曰孝義。

宋 共五十三人

孝門陳君和侃

陳侃字君和。永嘉之建牙鄉人也。事親至孝。親有疾。省膳膏藥。衣不解帶。執喪盡禮。五世同居。家無異爨。郡守上其事。太宗嘉之。詔旌表其門曰孝門。陳君賜其母李氏束帛。杭米。祥符七年侃卒。至今建牙鄉猶稱其家曰陳孝門。

杜通判誼

杜誼黃巖人。孝友敦信。鄉人重之。康定中。二親繼喪。晝夜哭踊。負土成墳。廬於墓側。時山水夜溢。民居田高。多

深沒而誼之故業宛然事聞旌表仕終梓州通判以壽卒。

孫教授寶著

孫寶著字天休蕭山人少孤事母至孝母寢疾思梅及鳩秋月不可得仰天而號忽得青梅於樹鳩自飛墜取以奉母大觀初行部使者以聞賜進士第任杭衢二州教授。

仰天貺忻

子師常師尹附

仰忻字天貺其先吳興人也高祖仁讓從錢氏歸國以

太子中舍知永嘉卒。因家焉。惜力學。以篤行稱。年五十餘。執母喪。躬自負土爲墳。遂廬於墓側。有慈烏。白竹之異。元祐七年。郡守郝璽奏。忻純孝之誠。出於天性。母林氏以壽終。今二十年。孺慕不衰。臣聞其風。輒率僚屬親至其所。忻僻居巖壑。衣食既素。儀骨樂樂。深可慨嗟。臣已准勅。優賜果帛。訖欲乞別加旌異。大觀二年。以八行取士。郡以忻應詔。未上卒。三年。勅仰忻。惟爾事親盡孝。行孚於鄉。朕將寵以爵祿。俾爲風俗之勸。曷云其亡。宜加追賁。錫命告第。尚鑒茲哉。可特贈將仕郎。子師常師。

尹皆素儒有聲富族欲求婚忻著同姓圖曰姬周鄭江  
與仰同姓百世不通婚姻蓋後世論氏而不及姓故忻  
始倡焉所著有訓童規鑑十二卷

孫長者

子式附

孫長者史佚其名世家富春之臨江鄉性寬厚言悅行  
篤信於其鄉隣里有訟不之官皆云當見孫長者至則  
爲陳事理白其所以枉直之狀人人服而去以是臨江  
鄉人經歲不識長吏云母病躬視藥物目不交睫衣不  
解帶及母死身已病將葬竟死臨終語諸子曰吾生不

能送母於穴死。歛吾以衰經庶盡吾孝於土中。時皇祐間也。有子名式登進士第。

### 劉承詔

劉承詔唐襄公德威之後。德威五世孫愉因避黃巢亂。自河南徙居越之上虞。至承詔十世義居。聚族四百餘人。內外無間言和氣。致祥下及犬豕。一犬不至。衆犬不食。號孝義劉家。熙寧中趙抃帥越。嘉之。聞於朝。詔旌其門。免其徭役。以寵異之。抃爲作義門記。

### 楊慶

楊慶郵人父病貧不能召醫乃割肢肉啖之又嘗割肝  
及乳爲親饋者五最後母病不能食慶取右乳燒灰和  
藥以進入口遂瘥久之乳復生每勝日輒以籃輿載母  
禱於阿育王山宣和中郡守樓昇表其坊曰崇孝紹興  
十二年始被詔旌表門閭

### 孫文舉之翰

孫之翰字文舉慈谿人少志學孝友本乎天性母病革  
割體取肝爲粥以進越夕母如醉自醒乃底於寧里人  
上其事於郡守趙伯圭將聞於朝之翰曰本心掾母他



縣所覲力止之以壽終

### 石孝子

石孝子者四明山農也家世貧賤古屋數楹隱隱藁薄  
中孝子早喪父獨與母居一日以事出則告其母曰兒  
出母無待養者幸往依女氏待兒之歸母諾其女氏家  
去母甚邇孝子謂母可卽至遂行後二日歸首過女氏  
而母未嘗至也孝子卽心動倉皇抵舍忽見壁間一巨  
竇覘之則虎子三據其榻處爲穴孝子知母已葬虎腹  
卽大慟盡殺虎子復磨一斧立竇內頃之母虎循竇入

卽砍其首碎之。取肝腦噬諸庭。復大慟。以斧指天曰。吾雖殺四虎。而母警未足報也。乃更跡牡虎所行路。持斧阻崖石待之。牡虎果咆哮過崖下。孝子奮而前。當虎首連砍數斧。卽斃。孝子亦隨死。僵立不仆。張兩目如生。而手所持斧。倖不可奪。鄉隣走吊。咸凜凜欲亡去。獨嘗捕虎者相率拜祭而神之。

陳傳巖汝楨

妻徐氏附

陳汝楨字傳巖。象山人也。事親至孝。親歿未葬。隣家失火。將及家人。爭負筐篋。汝楨不顧。與妻徐氏伏柩號慟。

誓不獨存。既而風返火息。柩乃獲全。人皆驚歎。以爲幸。  
感所致。從弟汝舟疾且死。以幼子爲託。汝櫟泣曰。而子。  
卽吾子。忍異視邪。汝舟死。育其子。長爲受室。舉其遺物。  
異之。

### 范元亨鍾

范鍾字元亨。臨安人。父居市肆。貨巾幘。蓄婢生鍾。婢滿。  
去不復聞。鍾浸長。讀書取科第。授某縣尉。常欲訪母。無。  
從。偶經雪川。見渡口茅屋中。媼單身。鬻餅餌。甚苦。鍾感。  
之。詢其往跡。皆母事也。且云。少備臨安巾肆中。嘗生子。

今傳已作官恐貧賤不相認故獨勞耳鍾徵其子所生年月日皆與已合鍾大悲喜卽拜認之姬倉卒未敢當鍾曰阿母無棄兒也遂具衣冠迎歸後鍾綰郡符持使節登華宴姬皆及享其養云

### 余元卿

余元卿黃巖人父死元卿始生母曰我不見夫何忍見子自剔其目誓不他適宣和寇亂元卿負母而逃力弱不勝仰天誓曰天若助我全母願焚身以報寇定欲償前誓母力止之遂燃一指以謝天貺間里重之欲上其

孝友

卷之三

三

毛君

事。則曰。吾。非。干。名。者。也。旋。居。母。喪。哀。毀。不。離。墓。側。縣。上。之。碑。立。碣。以。記。其。事。

毛勿齊存

毛存。錢唐人。父伯益。坐流嶺。表死。存。聞。開。跋。涉。數。千。里。函。骨。歸。葬。先。隴。時。人。稱。其。篤。孝。善。画。墨。竹。水。石。如。楊。中。齊。裴。德。游。諸。公。高。其。行。皆。宗。之。號。勿。齊。

毛蕃八

兄舉龍計

毛蕃。八。江。山。之。棠。峯。人。膂。力。絕。人。曉。武。藝。猶。長。於。連。珠。箭。父。信。叔。遭。賊。執。欲。刃。之。蕃。八。聞。之。直。衝。賊。陣。力。戰。於。

經堂山賊悍釋其父且語之曰所過鄉邑陳嘗面罵者  
人者曉悍善射吾師也能以牛酒勞我卽去善人處  
後前搏戰數十合遂遇害死石塘泥坳中是日土石掩  
埋若神爲焉有識者歎曰烈哉行人所不能行也夫死  
父之難孝也罵賊不屈烈也孝且烈善之則也天其以  
大丁葬之乎兄攀龍從經暇餘霖學遭母喪廬墓三年  
邑令程鄒作孝子記以表之弟兄之孝蓋稱二難云

麗水孝童周慧卿智

周奇趙文澤附

周智字慧卿六歲喪父廬墓有紫芝一莖七葉之瑞事

聞於朝會成均策試多士以南山節婦麗水孝童爲聞  
徽宗覽之命編入時政記勅賜孝童出身終從政郎嚴  
州建德丞先是同邑周奇九歲喪母卧墳側二年有赤  
雀十數巢其傍可俯而窺也崇寧中詔賜果帛又趙文  
澤六歲喪父廬墓有羣鼠啣花白雀來巢之異大觀中  
賜帛五十疋

徐亨

徐亨桐廬人宣和中方臘寇亂其黨號五虎將者執亨  
兄震欲殺之亨叩頭泣告曰家有老母兄能養之願身

代兄以活老母賊遂舍裳而殺亨

錢孝廉堯卿

錢堯卿字熙載樂清人數歲居父喪如成人廬墓終制  
遂以孝稱母老不仕色養唯謹及卒哀毀過禮水漿三  
日不入口屏聲色却滋味者三年奉寡嫂如事母撫諸  
姪如已子閭族同居三十年無間言歲歉損穀價以濟  
飢民不能償者焚其券紹興間詔舉孝廉郡以名上未  
幾卒

章廷伸永



章永字延仲平陽人世居浦澁父亡事母尤謹比母卒  
執喪如禮俗飯佛老以爲冥資永獨晨昏跪誦孝經曰  
吾聖人所以教孝者比舉葬渡浦中流風濤陡作永伏  
柩長號曰罪逆應殞吾親何辜乎願天地神明鑒之言  
未脫口而風息迄濟焉嗚呼孝感之速如鼓之答桴也  
如此

### 鄭從革鼎之

鄭鼎之字從革會稽人事親至孝建炎初金人寇越士  
女悉奔竄鼎之獨衣冠事父湯藥不去賊至斥曰衆皆

逃死而敢獨留。不畏死耶。鼎之曰。豈不畏死。顧老父年七十餘。病且革。不能負與俱逃。若弃父逃生。心尤不忍。死雖痛乎。奈獨父何。言與淚俱。賊爲感泣。捨去。且戒其黨勿更入孝子門。以是父子俱免於難。

### 楊文脩

楊文脩。諸暨人有。至性。母病。刲股以進。病遂愈。母歿。負土成墳。慈烏數十隨之。往返鄉間。欲上其事。固止之。文脩故病癯。道遇異人。以手摩之。癯移於背。居鄉。德惠及人。皆不忍名。呼曰佛子。常平使者朱熹。每行部至縣。必

遺廬與談論久之乃去

蔡元應定

蔡定字元應山陰人家世貧寒父革依獄吏傭書以資定定得游鄉校業進士有聲後獄吏坐舞文革連坐時年七十餘法當免繫鞠胥削革年籍議罪與獄吏等案具府奏上之方待命於朝定痛父非辜陷徃狂誓以身贖數詣府號訴請代弗許請効命於戎行弗許請隸伍符爲兵又弗許定知父終不可贖仰而呼曰天乎使定坐視父死乎父老且傭書罪固宜釋而無以告懇使父

果受刑。定何以生爲。乃豫爲誌銘其墓。又爲訴牒置懷中。陳其所以死者。冀免父刑罪也。趣府橋河自投死。太守聞而大驚。亟命出其父。且給資以葬之。紹興三年。郡守王綯上其事。立廟祀焉。賜額曰愍孝。

連世瑜

妻方氏子士表士則附

連世瑜。樂清人。同妻方氏。事母至孝。母死。刻木肖像奉事。益恭。里人王十朋親詣其家。詢諸比隣。咸曰。世瑜事亡如存。晨昏饋食。出告反面。經今十年矣。而孝敬不衰。太守張九成饋酒禮之。未幾。世瑜死。方氏年踰七十。率

其子士表士則供事母。母。像。益。虔。世。以。之。比。丁。蘭。云。

### 楊富老

楊富老麗水人。七歲喪父。葬於蕪弄塢。廬墓三年不返。鳥鵲來巢木。生連理。紹興中。太守葉頤延入郡庠。奏於朝。賜果帛。錄付國史。

### 鍾宅

從子明。浦子文。厚。文廣附。

鍾宅浦江人。淳熙中。母病。宅剔肝和藥以進。病尋愈。從子明亦割股療母。及明有疾。明弟滿又割股療明。皆瘳。邑令李知退義其事。爲代輸稅賦。三年宅家嘗三世同。

居宅之子文厚文廣尤極愛文廣妻求分文廣恐傷兄之心卽出之宅有至行其事親出於天性而非矯揉所致當時有金智深者母得危疾亦剔肝爲餌而後安諫者謂宅之所化也

### 樓季發蘊

樓蘊字季發義烏人性至孝母喪廢櫛沐鹽酪不入口結廬墓左邊塚哀號塚下畊者爲之墮淚負土築塚日自課三十肩塚高數仞鄉人合葬請於郡邑刺史遣從事勞之且問狀固謝曰此人子之常事也不願賞隣里

強之不可歲時祭享不用釋老楮幣終其世巫祝不至

呂子賜皓 弟源附

呂皓字子賜永康人自少負志節學於林大中而友陳亮呂祖謙以出果暇濟受知於倉使朱熹薦諸朝補郡文學淳熙中舉上禮部會父兄爲怨家誣構逮繫大理獄皓叩匭上書理其冤願納所得官以贖罪且言無使聖世男子不及漢一緹索矣子爲沒身恨明日下都堂議宰相白無例孝宗曰此義事安用例由是其父兄與

連坐者五十餘人。皆得釋。再試禮部。不第。遂絕意仕進。  
隱居桃巖山。講學克己。修慝孜孜不倦。父母繼歿。茹素  
三年。廬墓以終喪。割兄弟所遜田爲義庄。以贍鄉族。部  
使者及郡邑。以遺逸孝友。交薦於朝。俱不起。嘗作雲溪  
題。曼自傳以見志。弟源字予中。性孝友。嗜學。皓常語之  
曰。克其義以行於家。而及於鄉。可也。何必應舉求仕。遂  
躬行此言。執親喪哀毀踰禮。苦塊三年。嘗爲義庄義倉。  
且別爲小廩。收卹閭里。弃兒病革時。兄游江陵。仰天大  
號曰。不及見吾兄一語。而訣。且瞑矣。人莫不哀思之。



釋邑以孝弟聞於朝。贈通直郎。詔旌其門。

翁伯大京

父夢炎世父綱弟高附

翁京字伯大。義烏人。弟曰高。字仲明。其父夢炎與兄綱。輕友愛。嘗以治刑。體得禽聲。炎先兄薦於鄉。輒推故不。就試。以換綱。越六年而綱始獲薦。乃同赴禮部。未至而。遭屬疾。扶歸。竟過抑弗振。以死。綱亦念弟之湮沒。以已。故遂絕意進取。用廢補官。終焉。夢炎二子。事母石氏以。孝。聞。石氏守節。善持家政。家素饒於貲。遭兵戈亂離。石氏以白金千餘兩。窖藏之。久之。京也適高不及告。取而。

有之。石氏意不平。京歸語其故。京曰。母所有。將以遺吾兄弟也。兄弟義同一體。弟有卽吾有。爾母何憊焉。石氏重嘉歎。卽取他所窖白金二十錠。以遺京。京受其二。後推以與高。其後石與京相繼沒。並殯於堂。會寧海寇起。抄掠旁縣。家人咸逃匿山谷中。高徬徨不能去。號哭。晝夜乃歛金帛置兩柩間。寇至。奉以爲質。告之曰。吾所以不愚死而捐此者。爲丐以全死者耳。情辭懇切。寇相顧駭愕。弗爲取。且以善言慰撫之而去。家人返。惟其人與柩俱無恙。而白金故在。莫知何以致然也。高後以壽

終人稱其長者

王公哀

王公哀山陰人佐之弟也母墓爲盜所發盜既捕得有司薄其罪公哀手斬盜首報母讐詣獄自繫佐請納所居官以贖弟永嘉王十朋時爲僉判賦詩美之且載其事於風俗賦中

錢國材與祖

錢與祖字國材上虞人少類成人長探理學母疾二年竭力致養及終貧不能葬獨于泣者五年既葬白烏于

百集墓木上一大鳥類鵲翻覆墓旁百日而後去

### 陳濮州思孝

陳思孝黃巖人宋季元兵擾攘其母被掠而北莫知所  
之思孝日夜號泣與家人訣誓不見母不還行七年至  
濮州得焉遂與母歸侍養益篤及卒居喪三年常在苦  
塊負土以葬鄉里驚歎因其濮州得母咸呼爲陳濮州  
而不名

### 趙孟傳商弼

趙商弼字孟傳家於上虞年十六隨父武顯之官池陽

適遇寇。執武顯。縛於頸。以邀金帛。孟傳以身蔽父。號呼而言曰。寧殺我。勿傷吾父。賊砍孟傳數刀。衣破而體不傷。賊相顧曰。此孝子也。殺之不祥。竟釋去。孟傳嘗謂人子不可不知醫。乃博覽古方書。盡知其要。人以疾告。必爲盡誠。救療說者。謂孟傳爲錫類之孝。

吳處仁

弟困附

吳處仁世籍僊居。父爲无兵所驅。避山呼其子索銀以贖死。處仁聞父聲急出語之曰。銀吾所藏也。容吾歸取以贖父。及發窖。則已爲人所剽矣。乃告兵曰。銀無存者。

吾黨吾頭來以代父死耳其弟困又欲代兄衆兵愕然  
義之俱獲免

呂蒙 子瑛附

呂蒙新昌人葬父集縣北三十里杜潭廬墓久不返子  
瑛憂懼築室龍巖迎蒙居之蒙遂蔬食終身哀慕四十  
年如一日及蒙卒瑛哀慕亦如之

鄭博士憲

鄭憲僊居人舉景定進士第歷官太學博士德祐間元  
兵壓境憲奉母以逃歷深山中遇兵欲刃其母憲抱持

泣以身翼之曰寧殺我遂俱遇害

附錄三考

陳天隱童少舒金景文

陳天隱字君舉端重好學父兄早喪事其母馮以篤孝稱母卒將葬於三峯之陽時六月赤日如焚天隱先期虔禱乞雲霧覆棺已而果然葬畢雲散人皆異之

童少舒字思仲世業儒篤行著於鄉黨父亡負土築塋廬於左靈芝生塚上有紫絛黃蓋之祥

金景文字唐佐少有大志力學而不求聞事父母極孝母喪廬墓見天光下燭五色爛然後廬父墓鳥鼠馴其

物無怖色風雹環四隣獨不入其舍鄉人遇旱曰旱無  
苦金公禱必雨隨禱而應咸淳四年邑令沈應龍以景  
文及天隱少舒名請于朝建祠學官之右名三賢堂以  
以其德應八行作八行碑

### 朱虎殘秦

朱秦武康人家貧粥薪養母常道數十里外易甘旨以  
進戒妻子常候母顏色一日雞初鳴入山爲虎所攫負  
之而去秦已瞑眩忽少甦聞聲曰虎爲暴食我恨母無  
託耳虎忽弃秦於地貼耳走如人疾驅狀秦匍匐而歸



母持以泣奉亦強舉數踰月而後如平時鄉里聞其孝  
感以金帛遺之目爲虎殘

元 共三十一人

唐韓弟鼓附

唐韓唐鼓郵人也父復禮以擅匿官雖事被陷且執拘  
以歸於京鼓詣吏請代父命不省乃叩頭流血繼之以  
死吏憫其情脫父桎而桎之行至越州時鼓自杭回遇  
諸途挽鼓袂哭曰兄爲冢子宗嗣所託不可以死弟請  
代兄行鼓不從鼓給之曰兄訥於言往必不免弟有一

計可生幸無苦竟奪其桎梏已手吏亦憫而從之役抵  
京繫獄旬日近臣奏其非辜得免人以比古之假壽云  
裘尚

裘尚會稽之義門也晉義熙中自婺女徙居會稽之雲  
門世勤畊桑習絃誦越五代至宋踰六百年無異爨大  
中祥符四年州縣以聞詔旌其門蠲其課調是時裘氏  
義居已十九世矣其族長曰承詢至嘉泰初又五六世  
蓋二十四五世猶如故聚族日繁嘗有饋瓜者族長聚  
小兒十三歲以下百餘令自取各相推選以長幼持去

其習爲庶遜如此至和中李待制允有詩云夫何於會稽卓然有裘氏同居六百年相聚三千指昔賢欽義方列奏聞天子恩詔表門閭光輝映衆梓

朱進士環

子元附

朱環字君玉義烏人仲父桂無嗣養之爲子後桂生子壁因外環環益孝謹凡勞事皆服行不知有寒暑時境內多盜白晝出道上斂人財桂有金數百兩與壁謀瘞窖中壁夜發之反以誣環桂怒褫環襦袴立之雪中一日夜不使去環恂恂謝過無一言辯其冤及桂死遇壁

荃厚壁子慶多暴或駕以殺人罪環憂不能食竭私財  
救之慶獲免環善讀書寶祐間嘗舉進士年八十六終  
於家子元字子初至元末有盜數千起縉雲過永康置  
砦峽源山山樵元家甚通盜將劫元父環爲謀帥元聞  
遽歸告環速避寇不聽復涕泣諫環罵曰豎子不解事  
江南內附父誰敢畔者設有寇不過鼠竊狗偷何足病  
元自度賊若縛父去則是父從賊反官坐以法雖有百  
喙莫能白爲今計者孰若殺賊以自明乃與役夫傅崇  
謀挾刃伏垣下或止之曰賊勢張甚汝不畏作菹醢邪

元曰吾知有父爾若得白父以無罪雖萬死不恨會賊偵騎至竟砍殺二人梟首市中以血手入示父負之北逃賊平父得無罪

鄭宗文綺

鄭綺字宗文浦江人通春秋穀梁學事父母孝父照以非罪繫獄當死鄭上書請代竟白其冤母張病寧綺保持若嬰兒三十年如一日合族同居家無異爨曾孫德璋爲仇家傾以死罪械送楊州兄德珪毅然代其行德璋泣隨之爭欲赴吏德珪以計沮其行從間道逸去竟

代弟死德珪生文嗣自緒至文嗣同居六世矣歷二百  
年咸如緒在時文嗣生鑑鑑生渭渭生樾皆善守家法  
合數千指無異心至大中郡守上其事准勅旌表門閭  
至元冬太常博士柳貫與鄉校羣士又上狀請如故事  
復其家從之初文嗣既沒德璋子大和司家事嚴而有  
恩雖家庭中凜如公府子弟小有過頒白者猶鞭之每  
遇歲時太和坐堂上羣從子皆盛服衣冠雁行立左序  
下以次進拜跪奉觴上壽畢皆肅容拱手自右趨出足  
跡相銜無敢參差者見者喑喑嗟歎謂有三代遺風名

聞天下自大丞相及臺省海內名公卿多賦詩美其行  
部使者行縣以其孝友七郡莫之或先徵書東浙第一  
家以褒寵之大和喜學禮不奉老子浮屠經像冠婚喪  
祭必稽古乃行子孫從化馴行孝謹不識塵市嬉戲事  
親親喪哀戚甚三年不御酒肉田賦之屬各有所司纖  
毫出納咸有文可覆決日則會不公則監視發之諸子  
盡各趨事夜輒合坐棹華軒中溫溫笑語至更餘始休  
雖多列顯仕不敢挾諸婦惟事女紅不使預家政宗族  
閭里以恩懷之各有差內外極嚴與臺通傳不敢越堂

展家高兩馬一出則一爲之不食人以爲行義所感有  
家範二卷傳於世

金松一

金松一、蕭山人至正間以家貧傭工養母凡遇魚肉必  
持歸以奉一日母病篤思魚時天大寒江水皆冰計無  
所出乃往漁浦渡頭叩拜祈天淚臾鴈自西來墮雙鯉  
於前持歸供母病卽愈

胡景莊忠

胡忠字景莊餘姚人宋尚書沂六世孫也弱冠失父耳



鼻出血事母至孝與庶弟明府同居共產有瑞檢之徵  
將州郡新附多盜賊忠出資募鄉夫掩捕之元貞間饑  
疫忠貸錢穀以賑閭里而葬其死者明年大穰里人齊  
餽報明約忠歎曰饑民近得一飽吾忍取其宿道耶悉  
取麥對衆焚之其孝義爲鄉邦所推

### 姜大民燕

姜燕字大民淳安人弱冠有志古道經史諸子靡不究  
究工詩文詩法陶彭澤文法韓昌黎每云吾詩文得山  
水之助爲多故能力追作者天性篤孝七歲而孤隱居

養母屢辟不就居喪哀毀幾絕結廬墓側朝夕哭臨蔬  
水衰麻寒暑不易也居傍小阜突起宛類釣臺終喪之  
後旦暮登躋遙望隔浦松楸向墓號痛表其名曰思臺  
有恩臺集若干卷行於世

丁祥一

丁祥一諸暨人也家貧母老行傭以養母病且無以爲  
藥焚香露禱每旦盥漱祗目去膝暮亦如之逾三年而  
母目復明事上旌其門邑人楊維禎爲詩贈之曰孝子  
蘭刻木肖母顏木有神痛相關况我孝子有母上堂問

安石母胡爲目。嘗母嘗獨壁行。行聽孝子聲。孝子泣。  
母慈母目何時仰。見天日。星朝慈。慈。暮慈。慈。一日二日。  
百里程。母嘗。然。而。月。明。隣。里。來。賀。母。如。長。夜。再。生。孝。  
子。名。上。達。天。聽。華。表。柱。爲。孝。子。旌。

余丙

子慈附

余丙。達。安。人。幼。喪。母。泣。血。成。病。父。亡。不。忍。葬。結。廬。殯。於。  
古。山。下。閉。戶。守。視。適。牧。豎。遺。火。延。及。殯。廬。丙。與。子。慈。接。  
身。火。中。救。與。相。俱。焚。忽。暴。雨。火。滅。父。子。無。恙。人。以。爲。幸。  
底。所。致。

## 周樂

周樂瑞安人。宋狀元坦之後也。父嚴通經能文。方氏。豫溫州。拘展置海舟上。樂隨往事其父甚謹。一日賊旗令沉展於水。樂泣請曰。我有祖母幸留。父侍養請以已。代父死不聽。樂抱父不忍捨。遂同死。

## 陳斗龍

陳斗龍昌化之西眉川人也。父天澤娶盛氏無子。求宜子者於錢唐清湖王氏。生斗龍。未一歲。王氏與盛不合。謝還。至元丁丑天澤病。斗龍年十三能奉粥藥。禱於神。

乞減年以延父壽弗效母盛亦以病卒斗龍居喪極哀  
感羣鳥集其舍飛鳴三日夜而後去或告之曰盛母非  
母也而母錢唐王氏生而數月而盛母遣之去盛母非  
母也斗龍大驚哭卽日與妻訣不見母不還至錢唐無  
知者有老嫗曰而母嫁江東去矣卽渡江踰淮走徽饒  
及廣德寧國凡六年於永豐禮賢鎮得焉爲施氏婦老  
矣施憐而還之至家徽寇犯邑斗龍負母入百丈山舍  
妻擁其後未及山遇賊乃置母平處稽首告賊曰幼不  
知母求六年方得歸又相遭如此吾夫婦死無恨但母

老無養者賊咨嗟捨去且戒其徒勿更至山以驚其母  
人亦賴以免逮魯花赤阿恩蘭也奴銳請旌表斗龍固  
止之胡長孺爲之傳

張子用觀僧

姪懷邦附

張觀僧字子用新昌人幼穎悟讀書知大義父患瞽不  
能行觀僧躬自扶持寢處必視寒煖飲食必極甘旨至  
正中寇亂居人皆驚走骨肉不相顧觀僧謂其姪懷邦  
曰吾父失明若父病吾與汝家貲不暇顧救父爲急脫  
有不幸當以身代懷邦曰諾乃相與各負其父逃避虜

鷓山中候而賊至揮白刃索金帛無所有將殺之二人  
叩頭流血請以身代父賊感而釋之父子遂得俱全父  
歿廬墓三年人皆稱孝子云

周仲良嘆

周璣字仲良新城人性至孝父早世事母備至飲食起  
居唯母意是適纖毫無敢忤依戀若嬰兒然候母所常  
止輒手一卷從傍伊吾或少出而返母離常所止處則  
感賴不安必見母乃喜家貧試吏他郡資其祿以供肥  
肥時方尚吏吏權倖於上官以他郡遠母竟謝去隱桐

廬山力勞以養母喪且夕號哭過間者不忍聞有兄癯疾不能行嫂喪明無子感事之如父母元季兵亂携兄嫂避難既歿卜地以葬鄉人稱孝友焉

蔣伯玉珏

蔣珏字伯玉開化人事父芹澗先生篤盡孝愛芹澗歿嘗謁墓念親嗜魚榜往河側忽雙鯉躍出因取以祭賞道異之薦舉不受

王君傳貴翁

王貴翁字君傳瑞安人家貧授徒養母至正丙申山寇



至貴翁不顧妻子負母避北湖山爲賊所執裸而捶之  
求貴弗獲視其母衣貴翁哀懇弗聽遂抱母而泣賊怒  
殺之越三日母亦卒

潘應定

潘應定嘉興人事母至孝母喪廬墓有白雀翔集黃桂  
素花之異周伯琦勝其墓所曰雙顧

黃孟廉義貞

六世孫濟之附

黃義貞字孟廉餘姚人篤學好修事親以孝聞大德間  
徵拜博士辭不就隱居鳳亭壽一百五歲其六世孫濟

之能修義貞之孝。失慈於繼母。構於父而出之。益承順  
無忤。及父母歿。復廬於墓。鄉人稱其世孝云。

### 胡野廬

胡野廬。永嘉人。父義爲縣胥。事添設縣令劉公源。至正  
戊戌。公源弟公寬以兵襲方氏。弗克。越三日。方氏盡捕  
劉氏黨。於是義被執。野廬時年二十一。曰。事劉尹者我  
也。執父奚爲。遂釋其父。斬野廬於市。聞者爲之隕涕。

### 過宗一

過宗一。海鹽人。蚤喪父。獨與母居。至正間。張士誠陷姑

蘇略地至海上宗一負母逃與寇遇欲殺之以身蔽母  
中數創賊舍而去既返益困傭以給食母卒六年不克  
葬窆苦服衰不變與人語輒泣下白燕巢其室東西相  
向及葬燕不復來

周士威

兄士行附

周士威永嘉人與兄士行俱幼喪父母籍外祖母夏氏  
撫育以至成人士行業針工以爲養至正戊戌方明善  
據郡若干佛寺置欄自衛俾市民守之九月十日夜對  
公寬率義兵砍欄入寺明善遂逃三日方明善後人舉

守制者四家而士行與焉遂囚於獄時士威年十九詣獄吏請曰吾兄弟皆孤藉外祖母以存今外祖母年八十六矣幸兄以求食養之吾無能焉若兄死則皆無託矣願以身代兄死因悲咽不自勝獄吏憐而易之士威遂遇害

### 文學掾戚秉肅敬

戚敬字秉肅嘉興人母病醫藥弗效剗股肉以進母不能食而死敬痛絕再三既葬廬墓產白芝五本又欲像母事之工弗能也敬伏墓號哭三晝夜不輟聲母忽見

事於工、明日工肖而像焉、敬奉之如事生、張士誠陷吳、  
將逼鶴里、人皆遁、敬曰、吾忍舍父母墳墓耶、乃散財集  
子弟保鄉里、寇至、多所焚掠、敬所居白苧鄉獨完、有司  
請其攻、謝曰、敬爲墳墓計、敢希賞乎、後自使者薦爲文  
學、奉十年不調

### 魏保

魏保、永嘉人、劉公寬之變、保父忠、亦以守門故、爲方明  
善所執、將斬之、保時年二十、至行刑、所以身蔽父、曰、是  
夕守門者保也、請自當罪、伸頸死於刃下、父遂得釋

一林甲乙

林甲乙，樂清人。養父，嘗傭作養母。母亡，家貧不能葬。輒以薄棺殮之。越數日，屍腐，流液淋漓，弗能止。穢聞於外，屑隣皆惡之。甲乙因以器承其液，捧之仰天痛哭。自咎曰：此吾親之遺也。何恨戾若是哉！遂盡飲之，流液遂止。穢亦息。鄉人異之，以爲孝感所致。

陳孔英果 弟多遜附

陳果，字孔英，台州人。兩舉先生叔夏之子也。至正壬辰夏四月，方谷珍寇鳳州，趙宜浩率民兵禦之，敗賊遂

奔潰四出。叔夏被執。抽刃將殺之。杲伏父身上。願代死。賊碎殺之。弟多遜肉袒馳至。請代兄死。身被數創死而後。薤後爲山東運使。

### 王泰

王泰永嘉人。宋提刑九初之後也。幼失怙。侍養於伯父。丁未冬。兵大至。伯父爲兵所執。求財物不得。將殺之。乃方加頸。泰時年十五。匿藁溝中。躍出。給兵曰。見知產物。所伯父遂得釋。而遁。兵監掘數穴。皆無所有。乃涕泣告。兵曰。兒實不知產處。恐伯父被害。故出願以身代伯父。

死兵怒斬之仆地兵旣去伯父哀而視之則頸骨已斷  
而其喉未殊遂捧其首合於頸適人家有修船油灰因  
取以塗其瘡試以水滴口中稍稍能嚥至暮昇至家越  
七日始甦言曰方斬時若風冷然過頸良久熱痛悶暈  
若有數人過指曰此兒甚孝且不當死卽令一人以藥  
傅其頸冷然若冰雪痛遂止凡八易月其瘡始合而首  
竟偏